

«BOSH CHANOG'I VA BOYOĞ'LI»

Hikoya

Ishi ongidan kelib yurgan kartina galereyasi egasi Eduard Lorillard, yumshoqkursiga yastanganicha qotma gavdasini chōzib, oyođini stolga qoydi-da, jiringlayotgan goshakni oldi. Uning xayolchan nigohi chiroyli buyumni, asl Vayoming nefritidan sayqallab yasalgan toq-yashil tuxumni silayotgan chap qolida edi.

- Gazetalarni oqigandirsiz? – deb goshakdan Odri Makalisterning ovozi eshitildi.

- Ih-hm, - deb qoydi Edvard Lorillard.

- Nima deb oylaysiz?

- Nimani?

- Malerbni, - dedi Odri, goyoki shu kuni gazetalar faqatgina Malerb haqida yozgandek.

- A, bumi... - dedi Edvard ovoziga keraklicha befarq ohang berib.

Lekin o'zining qoshlari chimirildi, barmoqlari toshtuxumni mahkam changalladi.

- Bu sizga biron naf keltiradimi?

- Yoq, - deb javob berdi Edvard. – Menda ikki-uchta suvrati, bir-ikkita ilk ofortlari bor, xolos.

- Menda esa bitta kartina. Bahosini hozirgina besh yuz dollarga kotardim, tasavvur qilasizmi...

- Tasavvur qilaman, - dedi Edvard va uning barmoqlari toshtuxumni yanada mahkamroq changalladi.

- Xosh...

- Xop, bir vaqt topganda kirarsiz... - dedi Odri.

Edvard goshakni ildi. Oyođini pastga tushirib, gazetani qoliga oldi. Uning mađrur yuziga soya qalqdi.

Odrining Malerb haqidagi gaplari uni tashvishga soldi, hatto bir oz chochitdi ham. Xabarga uning kozi tushgan, lekin shunchaki qarab qoygan edi, xolos. Lekin, mana, bu yerda Parijdan berilgan telegramma gazetaning qariyb butun ustunini egallagan, undagi xabar shuncha muhim ekanki, halitdan London bilan Stokgol mda ham, Tsurix bilan San-Fransiskoda ham tarqalgan, xuddi shunday Nyu-Yorkka ham yetib ulgurgan. A men bolsam bunga qiziqib ham kormabman, deb oyladi Edvard. Nima uchun?

Xabarning mazmuni quyidagicha edi: Moris Malerb yetmish sakkizta asarini yoqib tashlagani haqida bir haftadan beri Parijda yurgan mish-mishni tasdiqlabdi. Sakson yoshligi arafasida u, o'zining aytishicha, ishlarini bir korib chiqib, shu yetmish sakkizta suvratni ortamiyona degan xulosaga kelibdi-da, o'sha zahotiy oq ularni ustaxonasidagi koshinli pechkaga tiqib, yoqib yuboribdi.

Pechka Edvardning esida, yaxshi issiq berar edi.

«Men hali kuchga tolaman, - degan Malerbning so'zlari ham keltirilgan edi. – Istagan paytimda kartina yarata olaman, lekin hammasi ham didimdagidek chiqavermaydi.»

Edvardning ko'z oldida Parij maktabining buyuk namoyandasi, orasta qora kostyum kiygan, nishasta oq yoqali, saf terilgan kartinalar oldida turib, hayot va san'at haqida nutq irod qilishni yaxshi koradigan cholning qiyofasi gavdalandi... Malerbdan boshqa hech kim hech qachon ortamiyona kartina qilganman deb aytishga jur'at qilolmaydi. Telegrammada Malerb yoq qilgan kartinalardan bir nechtasining nomi aytilgan edi. Kopi, tabiiyki, notanish, chunki ularni Malerb ustaxonadan chiqarmagan, faqat ayrimlarigina korsatilgan edi. Royxatga ko'z yugurtirib, Edvardning nigohi to'qqizinchi raqamda toxtadi: u yerda «Bosh chano'gi va boyo'gli» deb yozilgan edi.

U boshini kotardi. Kartinani u bilardi, qayerdadir uning reproduksiyasini korgan. U ornidan turib, ma'lumotnomalarni saqlaydigan kabinetiga yo'l oldi.

Lorillard-Gallerining orqa tomonida joylashgan kabinetdagi tartibsizlik bu xonaning qulayligi uchun qancha kerak bo'lsa, shuncha edi. Bu rangpar nok o'g'ochi bilan ishlangan, xira-sariq tusli kon tortilgan divan, ustiga oq lolalar to'z'igan koralar qoyilgan stollar qoyilgan chiroyli xona, stollarda ismliklar, muzey yo'l korsatgichlari, plakatlar, bukletlar - butun dunyodan toplangan son-sanoqsiz reklama «ashqol-dashqollari» qalashib yotardi. Bu uyum Edvardning joni-dili, keyin bu unga ishonch berar, uning xotirasi ham shunday ediki, nimani qayerdan izlashni doim bilar edi. Hozir ham «Bosh chano'gi va boyo'gli»ning reproduksiyasini bir zumda topdi, ikki marta natijasiz urinishdan keyin, 1937 yilgi «San'at ismli»ni tortgan edi, unda, o'zi kutganidek, reproduksiya ham bor ekan.

Cholning kartinani yoqib yuborganiga ishonish qiyin. U juda mukammal, qizg'ish tagzamin, nozik oq ranglari, toyingan qora buyoqlari, yugurik-chaqqon chizgilari Malerbning o'zigagina xos, muhtasham bir asar edi... Edvard kitobni stolga qoyib, deraza yoniga keldi... Ha, lekin savolning javobi qani: nima uchun bu xabar unga Odri Makalisterchalik ta'sir qilmadi? San'atda juda ko'p narsadan boxabar bolib ketib, haqiqiy dallolga xos havasmandlik ishtiyoqini yoqotib qoyganidan emasmi?

Bu son, yetmish sakkiz - mana, matbuotga nima ta'sir qilgan. Va bu tabiiy ham. Dunyodagi bironta muzeyda Malerbning shuncha asari topilmaydi. Ehtimol, tomoshabinlar uning buncha asarini birdaniga korgani ham yoqdir. O'zigagina xos, faqat shulargagina xos dovrugli on-on ikki yorqin kartinaning bir zalda namoyish

etilishining o'ziyoq har qanday tomoshabinning hushini o'g'irlyaydi. Bu yerda esa yetmish sakkizta...

Tomoshabin tushunmaydigan bitta narsa bor, bu buyuk rassomlarning sermahsulligi. Agar Lorillard san'at olamida yuz berayotgan nimaiki bo'lsa, hammasidan hayrat titro'g'iga tushmay qoygan bo'lsa, demak, u olgan. Hech bo'lmasa, ishbilarmon sifatida.

Edvard yana stolga otirib, ismlikni o'ziga tortdi. Balki masala boshqa yoqdadir, - deb oyladi u. - balki, kop narsaga fahmi yetmaydigan «Makalister» bekasining mendan tezroq fikrlagani malol kelayotgandir?

Edvard shu kartinaga tegishli bor narsani oqishga tutindi, yarim soat ichida ismlikdan o'ziga kerakli narsalarni: qachon yaratilgani, o'lchami, 1937 yili qanday peshvoz olinganini bilib oldi. Berilib oqiy turib, xuddi kutmaganda xayoliga allaqanday bir fikr kelib qolgandek yoki nimadir shu paytgacha noma'lum narsa birdan ochilgandek, titrab ketdi. U boshini kotarib, kormayotgan nigohini kenglikka qadab qoldi. Xa-xa, deb xayolan kuldi u, Odri Makalisterga bir yaxshi saboq berib qoyadi.

Bir oylardan keyin, sokin tiniq bir oqshomda Edvard Odrini birga ovqatlanishga taklif qildi. Yettidan keyin, sal otmay uning oltmishinchi ko'cha hududida joylashgan saloniga qo'g'ozga o'ralgan, holatdan kelib chiqilsa, faqat kartina bo'lishi mumkin narsani kotarib kirdi. U Odrini salon ichkarisidagi mehmonxonadan topdi. Odri och-jigarrang divanda gazeta oqib otirgan ekan. Bu - bo'g' tomonga chiqadigan eshiklari oynavand, katta kaminli va, albatta, kop kartina devoriga osilgan, yerga qator terib qoyilgan chiroyli bir xona edi.

Odrining kulrang sochlarida nimadir sun'iylikni shubha qilish mumkin, lekin yuzi haqida bunday deb bo'lmas edi. Nozik, gozal, xotirjam va o'ziga ishongan - omadi yurishgan insonning yuzi. U Edvardga o'ta qalin ko'zoynagi ustidan qaradi-da, o'ramni korsatib:

- Bu mengami? - deb soradi.

- Yo'q, - deb Edvard o'zi yaxshi ko'radigan yumshoqkursiga otirdi. - Lekin bunda. oylashimcha, sizni hayron qiladigan bir narsa bor.

- Biron nima ichasizmi?

Edvard bosh irg'adi.

- Bir qadah martini, eng zo'ridan.

U o'ramni ochishga tutindi.

Odrining iste'dodi kop, martini tayyorlashi ham boshqa iste'dodlaridan qolishmas edi. Uning bir narsadan omadi kelgan - otasi urushgacha, ya'ni birinchi jahon urushidan oldin g'amlab qoygan bir necha bo'chka vermut vinosini unga qoldirgan edi.

Edvard bir yutum qildi-da, ko'zlarini yumdi.

- Ilohiy, - deli u. – barmenlarni avliyolar qatoriga kiritishsa, siz birinchi bo'lasiz.

Odri yana divanga otirdi.

- Bahs boylaymizmi, shu gapni hamma barmenlarga aytasiz - dedi u, - Xosh, endi meni hayron qoldiring-chi.

Edvard sigaret oldi.

- Kichik kirish qilishim kerak, - dedi u. – Bir-ikki hafta oldin Malerb haqida gaplashgan edik, esingizdami?

Odri hushyor tortdi.

- Haligi, otda yoqish, esladingizmi? - dedi Edvard.

- Ha, ha, esladim.

- Gaplashganimizdan keyin maqolani diqqat bilan yana o'qidim. Juda hayron bolib qoldim... Malerbning ustaxonasida bo'lganman, bilasiz. Ko'p emas, lekin borib turardim.

Odri bosh irgadi.

- Bir marta borganman. Shunday bir shinam...

- Unda, - dedi Edvard. – Koshinli pechkani ham eslaysiz?

- Eslayman.

- Gazetalarda uni kartinalarni xuddi shu pechkada qdi, deb yozildi.

- Ha.

- Xosh, endi pechkaga kelsak. Uning eshikchasi on sakkiz dyuymdan keng emas.

- To'g'ri.

- Xop, mana. U yoqqan hamma kartinaning o'lchamini bilmayman. Ularning kopi, ehtimol, ixcham bo'lgandir. Lekin bir narsani bilaman, hammasi ham kichik emas. «Bosh chano'gi va boyo'gli» uchga tort fut edi.

- Ha, lekin... – deb gap boshlamoqchi bo'ldi Odri.

- Albatta, bilaman, kartinani qiyib, matosini olib, yoqsa ham bo'ladi. Lekin nimagadir cholning shunday qilishini sira ko'z oldimga keltirolmayman. Yoqib tashlashi mumkin, turgan gap, lekin u kartinani qiyadigan, yirtadiganlar toifasidan emas. Shunday qiladi deb oylaysizmi?

- Yo'q, to'g'ri aytyapsiz.

- Nima bo'lsa ham, aniqlashga kirishdim. Parijga Jan Lombardiga telefon qilib, undan ma'lumot olishni soradim. Va otgan kuni... – shunda Edvard kartina oralgan qo'gozni ochishga kirishdi. – meni bojxonaga taklif qildilar, borsam meni nima kutyapti deng....

U tantanali ishora bilan kartina yuzini ochdi – bu Moris Malerbning «Bosh chano'gi va boyo'gli»si edi. Odri yaxshiroq ko'rish uchun oldinga egildi. Ha, xuddi o'zi,

yorqin va mukammal, faqat ozgina nuqsi bor: yuqori chap burchagini olov yalagan, boyoği xira tortgan edi.

- Chol kartinaning pechkaga siğmasligini hisobga olmagan, - dedi Edvard. – Yoki fikrni oʻzgartirgan. Balki haqiqatni biz umuman bilolmasmiz. Nima boʻlmasin, mana oʻzi – butun jilvasi bilan.

Odri oʻzini orqaga tashladi, qollarini chalishtirib, oʻychan bosh chayqadi. Edvard jilmaydi.

- Faroyibmi? – deb soradi.

- Ha, Edvard, - dedi Odri va oʻrnidan turdi. – Bu siz oylagandan ham ğaroyibroq.

U borib, shkafni ochdi, undan kartinani olib, Edvardning yoniga keldi va uni Edvardning kartinasi yoniga qoʻydi.

Ular ayniy, toğriroği, qariyb ayniy, olov Edvardnikining yuqori chap burchagini, unikining esa pastki oʻng burchagini yalagan edi. Endi Edvard egildi va oʻz navbatida Odrining kartinasiga uzoq tikildi. Keyin qaddini rostlab, sigaret tutatdi.

- Siz tomoningizdan meni koshinli pechka toğrisida uzun tarixni aytishga majburlash shafqatsizlik emasmi? – dedi u.

- Siz tomondan meni chuv tushirishga urinish-chi, - dedi Odri. – Edvard, azizim Edvard, doʻstligimizni bundan ishonchliroq deb yurar edim. Qalbaki narsalar borasida kelishuvimizni aytmaganda ham.

- Shu gapni gapirmang, - deb Edvard atrofga xavfsirab alangladi. – Aytgancha, siz kartinangizni...

- Sizga korsatmoqchi edim. Lekin keyinroq. Ishtahangizni buzgim kelmagan edi.

Edvard kresloda oʻzini orqaga tashlab, kerishdi.

- Agar qanday ahvolga tushdingiz deb sorashsa, qip-qizil ahmoq boʻlganimni aytardim.

- Xoʻp, yetar, - dedi Odri, - sizga yana bitta martini qilib beray. Keyin toyib kulib olaman. Undan keyin ishni gaplashib olamiz.

Edvard Lorillard bilan Odri Makalisterning doʻstona munosabatlari oʻzaro ishonch siyosatiga qurilgan edi. Agar ayrim mayda chekinishlarni aytmasa, bu munosabatlar ikki yildan davom etib keladi.

Bir kuni Edvard Uchinchi avenyu, yetmishinchi kocha hududida ketayotib, antikvar doʻkon oynasida bir nechta kartinani koʻrib qoldi. Edvard Uchinchi avenyudan yaxshi xarid yo san'at durdonasi izlaydigan anoyilardan emas, lekin bari bir, toxtadi: nigohi bir kartinaga tushgan, bu kartina uni hayratga solgan edi. U doʻkonga kirar ekan, yuziga oʻziga xos ehtiyotkorlik bilan zerikkan tus berdi, lekin bir necha daqiqadan keyin buning sotuvchiga zarracha ta'siri yoqligini koʻrib, kartina uchun oltmish dollar toʻlashga rozi boʻldi. U chek toʻldirdi va on daqiqadan keyin oʻz saloniga kelib oʻtirib, kartinani ochib kordi.

U ayni istagan narsasini xarid qilganiga tezda ishondi. Kartinada chizimcha bilan boʻlgan guldasta, gullar tagida bir nechta qalam chizgilar – barg va gulbarglar tasvirlangan edi. Fon yoʻq - nozik xolstga teginilmagan, u endi vaqt otishi bilan sarʻgish-jigarrang ifodaga toyingan edi. Lekin chizgi kuchi, boyoqning yotishi – suykumli qirmizi va mayin niliy ranglar jilosi – uning Yugyust Renuarning tugallanmagan eskizi ekaniga shubha qoldirmas edi.

Edvard hech bunaqa narsaga duch kelmagan edi. U kartinani hashamatli chorchoʻpga solib, salon kiraverishiga, yoruqqa oʻngay joyga osib qoʻydi.

Bolgan ish shuki, Ben Govard kirib keldi. Edvard uni Renuar tomoshasiga berilgan payti uchratdi – nimjon asabiy qomat, egnida eski yomgʻir posh, aktyor yoki balki raqqosga xos nozik, yoqimtoy yuzli, beshpanjadan boshqa taroq nimaligini bilmaydigan qora jingalak sochli.

Edvardning shu yerdaligini payqab, Ben Govard unga murojaat qildi.

- Siz aytolmaysizmi, bu kartina qancha turar ekan?

- Sakkiz ming besh yuz, - dedi Edvard.

Shu payti Ben Govardning yuzi qanaqadir gʻalati boʻldi, oʻta hayrat va zavqli bir tabassumdan yorishib ketdi.

- Sakkiz ming besh yuz, - deb takrorladi u xuddi ishonmagandek.

- Ha, - dedi Edvard. – Zor-a, toʻgʻri emasmi?

- Siz bilan qanday... – deya ikkilanib gap boshladi Ben Govard. - Qanday qilib ikkovimiz holi joyda gaplashib olsak.

Edvardning rozi boʻlishdan boshqa iloji qolmadi.

- Marhamat, menikiga yuring, - deb uni kabinetiga boshladi.

Ben Govard gapni aylantirib otirmadi.

- Men buni oxirgi korganimda, unda bu narsa yoʻq edi.

Edvard uni boʻldi:

- E, uni bilasizmi?

- Ha, Uchinchi avenyudagi komission doʻkonga men olib borganman. Sotishga.

- Shunaqa deng, – dedi Edvard.

- Hozir oʻsha yerdan kelyapman. Sotuvchi qirq dollar toladi, dedi sizni, menga ulushimni berdi. Yigirma toʻrt dollar.

- Sizni u aldabdi, - dedi Edvard, - men oltmishga oldim.

- Ajab emas, - dedi Ben Govard. – Bari siz uchun foydali bitim bolgan.

- Toʻgʻri lekin.

- Sizni keyin ham shunaqa bitimlar qiziqtiradimi?

- Ehtimol.

Ben Govard uyalinqirab, ehtimolki, kechirimli jilmaydi.

- Men aytmochi edimki, oxirgi korrganimda unda bu ismi shariflar yoq edi. O.R.ni nazarda tutyapman. Bu Ogyust Renuar degan ma'noda shekilli?

- Shunday shekilli, - dedi Edvard. – Buyuk rassomlar oz asarlariga imzo qoyishga kelganda beparvolik qiladilar. Lekin xaridor olgan narsasi ishonchli bolishini istaydi. Balki ayol deyishim kerakmidi. Ayollar ayniqsa imzoga och boladilar. Shunga ishonadilar.

Ben Govard bosh irgadi.

- Xop, tushunarli, - U keskin burilib eshikka yol oldt. – Men yana kelaman. Sizga qaysi vaqt ongay?

- Ertalab, - dedi Edvard.

- Ertalab, - deb takrorladi Ben Govard. Keyin yana ogirilib, kozlarini katta-katta ochib, sekin shivirladi: - Sakkiz ming besh yuz!

Bu endi yoldan ozish edi.

Ben Govard ikki kun otib keldi, keyin yana va yana keldi. Uning ishchanligi, Edvard bildiki, hayratomuz edi. Bir haftada uning moyqalami ostidan Xuan Grisning xushsurat suvboyoqlari, Kandinskiyning burama va aylanmalari chiqib kelaverardi. Bundan tashqari uning donolik darajasida aqli ham bor edi. U durdonalarni chizmaydi. «Durdonalar, - dedi u bir kuni, - ustalarning ozida turaversin. Mening ulushim - qoralama, tugallanmagan suvrat, kichkina bagishlovlar. Bugunga narx-navoda, bilib qoying, etadi shu.» Edvard va Ben Govard ortasida baxtli hamkorlik davri shunday boshlandi.

Bu ikki mubham juftlikning yasamalari rangtasvir ixlosmandlari qoliga otib, Florida, Arkanzas, Oregondagi ko'plab badavlat xonadonlar devoriga kork berdi.

Lekin bu davr uzoqqa chozilmadi.

Ustalarning kartinalarini nusxa qiladigan, qalbaki yasaydigan Ben Govard toifasidagi odamlarning kopi nafaqat ularning iste'dodidan, balki ochkozlikdan ham bebahra edi. Lekin Ben Govard unaqa emas, u Edvarddan osmon qadar bonak sorar ediki, ajralish muqarrar bolib qoldi, baqir-chaqir, sokinish, ozaro aybsitish boshlandi va ular yuzkormas bolib ketdilar.

Ayni shu vaziyat kutilmaganda Odri Makalister bilan Edvardni yaqinlashtirib qoydi. Edvarning shahardagi yangilikdan bexabar qolmaslik uchun haftada bir-ikki marta boshqa salonlarni aylanadigan odati bor edi. U bir kuni kechqurun Odrining salonida yurganida uning kabinetini eshigi ochilib, ichkaridan Ben Govard asabiy yugurib chiqdi va eshikka yol oldi. Kop otmay Odrining ozi chiqdi, uning fe'li aynigan, Ben Govardning ketganiga ishonch hosil qilish uchun shekilli, atrofga alanglab oldi.

Edvard bu sahnani boshqa kozlardan pana bir qulay joyda kuzatib turdi.

Edvardning kallasida fikrlar ğujğon oynadi, lekin hayajoni ta'sirida ish tutdi. Odrining oldiga borib:

- Meningcha, siz bilan keragicha tanishmiz, bu sizni tushlikka taklif etishga huquq berar deb o'ylayman, - dedi.

Odri sinini buzmay, javob berdi:

- Men jon-jon der edim.

Bu tushlik, uning sababi hamdardlikmi yo ochkozlikmi, ishqilib, Odri Bilan Edvard ortasidagi harbiy ittifoqning boshlanishi bo'ldi.

Ayni Odri kechqurun Edvardni hayron qo'yib, jilovni qo'lga oldi.

- Ba'zida o'ksinib ketaman, - dedi Odri dasturxon ustida. – orta asrlarda tuğilmaganimga.

- Nimaga endi? – dedi Edvard.

- Chunki u paytlari antiqafurushlar ancha oson yashaganlar. O'sha vaqtlari mijozlarga nima kerak edi? Avliyoning suyagi, ilohiy xochning bir parchasi. Bu talabni qondirish oson bo'lgan. Xoch parchalari nasroniy dunyoda shu qadar ko'p bo'lganki, butun boshli saroy qurishga ham bemalol etgan.

- Azizim, juda tokin yashagan bo'lar edik.

Odri unga qo'shilib bosh irğadi.

- Shu kunlarda Omaxadagi bir mijozim oshxonasini bezash uchun Monening kartinasini ololmay yurganidan, aytganday, yaxshi bahoga, noumidlikda o'zini ado qilyapti.

Eduard tashvishmand qiyofaga kirdi.

- Monening yangi kartinasini ko'ringizmi? Anavi, on tortga yetti fut, kartina emas, uyning olchamida, shunday emasmi... Toxtang. Menda sizga bop Mone topilarmikan...

Odri kulib yubordi.

- Tashvish qilmang. Aytgancha, menga bugun bitta Moneni taklif qilishdi. Sizning oshnangiz Ben Govard. Jirkanch kimsa.

Edvard qoshini hayron kerdi.

- Mening oshnam?

Odri uning ko'zlariga dadil qaradi.

- O'zingizni go'llikka solmang, - dedi u. – Ben Govarddan men ham kartina olardim. Xuddi sizga oxshab.

Edvard stol uzra sekin egilib, qo'lini Odrining qo'lga qo'yd.

- Endi, - dedi u, - biz ishga kirishamiz.

Betavfiq ittifoq gurkiradi. Buni ular maqsadi arzon olib qimmatga urish boʻlgan va keraksiz raqobatdan holi himoya uyushmasi qilib oldilar. Bunda, albatta, Ben Govard oyindan chiqarib tashlandi, chunki bu ishda qiziqqonlik xatarli. Ben Govardning yagona fazilati – koʻp qirralilik, lekin oʻzining tor sohasida mahorati hech kimdan qolishmaydigan odamlar ham koʻp, lekin ularning ajoyib fazilatlari – kamtarliklari bor edi. Ularning piri Gyote edi. Nusxakashlarning mehnatidan hayratga tushgan, bu mehnatni muqaddas nusxa deb atagan Gyote.

- Oxir-oqibat, - dedi bir kuni Odri. – agar suvrat gʻozal boʻlsa, uni kim chizganining nima farqi bor? Muhimi shunda-ku.

- Shunda, - deb takrorladi Edvard. – yana, pulida ham boʻlsa kerak...

- Axir, tushunasiz-ku, qalbaki deb erga urish ahmoqlik. Oh, bu on toʻqqizinchi asr, la'nati ahloqi bilan birga qurib ketsin. Mikelanjeloning yunon haykallaridan koʻchirgani hammaga ma'lum-ku. Odamlar bu bilan uni kam hurmat qilmaganlar.

- Ha, toʻgʻri, - dedi Edvard. – lekin Mikelajeloda qalbaki ham muayyan ichki qadriyatga ega edi... Yoʻq, azizim, oʻzimizni aldamaylik. Biz koʻchaning soya tomonidan yuramiz. Bu haqiqat, unga yo koʻnish kerak yoki, hech boʻlmasa, mardona dosh berish kerak. Bir koʻzing ariqchadan tilla tanga izlash bilan band boʻlsa, ikkinchi koʻzingni qonun vakillaridan uzmaslik kerak...

- Edvard, bilasizmi, - dedi Odri, - men hech qachon kambaʻgallrga sotmayman.

- Siz qoyadigan narxlarga qaraganda, - dedi Edvard, - shunday boʻlsa kerak, deyman.

Albatta, ularning hamkorligi davomida Malerbning «Bosh chanoʻgi va boyoʻgʻli»si bilan boʻlganidek voqea yuz bermagan. Bir tomondan, ikkalasining ham aqli shunday aniq-taniq ham hamohang ishlaganini oylab zavqlangan, ikkinchi tomondan, bu ularning ishi, ishda shunaqa boʻlib qolganidan tahlikaga ham tushgan edilar. Ular hammasiga tasodif deb qaradilar-da, tubini oylab otirmadilar. Kartinalar voqejasida hech qanday firib yoʻq, ikkalasini ikki usta chizgan, Edvard oʻzinikiga oʻzi olov tekizgan edi, Odri ham oʻzinikiga.

Gap endi bu yoʻgʻiga nima qilishda qoldi. Kartinalarning bittasi yoʻq qilinsa, aqldan boʻladi. Lekin qaysini? Odri oʻzinikini eng yaxshisi deb bilardi, Edvard esa oʻzinikini. Bahs choʻzildi, lekin kutilmaganda gazetadagi bitta xabar ularning tortishuviga chek qoydi.

Mendeks muzeyi Malerb kartinalari koʻrgazmasi ochilishini e'lon qildi. «Mendeks» ellik yil oldin German Mendeks asos solgan qadimiy, mo'tabar muzey boʻlib, narxlar arzon paytlari toplangan yaxshi kartinalarga boy xazinasini bor edi. Endi muzey Malerbning oʻz kolleksiyasi, boshqa muzeylar va shaxsiy kolleksiyalardan olingan katta koʻrgazmasini va'da qilgan, bunda albatta, kartinalarning yoqib yuborilgani haqidagi xabarning ham ta'siri ancha edi.

- Mana, nihoyat, - dedi Odri. – endi hammasini – Malerbnning to'lik kartina saylanmalarini bir vaqtning ozida korib, ularga qaysimizniki rangi va uslubi boyicha yaqin ekanini hal qilamiz.

Ikkalasiga ham ochilishiga taklifnoma keldi va ular birga bordilar. Tomoshabin odatdagidek: kamtarona kiyingan boylar, boy kiyingan kambağallar, san'atni sevadigan televizionchilar va hech bir tadbir shularsiz otmaydigan odamlar edi. Hamma bir-biriga, bitta yarim odam kartinalarga intilgan edi.

Edvard bilan Odriга kutilmagan sovğa muntazir ekan. Uchinchi zalga kirishlari bilan toğrilarida, devorning markazida boshqa kartinalardan alohida osiğli, mukammal, zarar kormagan, olov tegmagan «Bosh chanoği bilan boyoğli»ga kozlari tushdi.

Ular bir muddat hayrat bilan, unsiz sukutda kartinaga tikilib qoldilar, Keyin Odri Edvardning qolini ushlab, titroq bilan siqdi.

- Oylab koring... – dedi u, - bir oylab koring, agar ham biz...

Ular kartina yoniga borib, tagidagi yorliqni oqidilar. Unda «Yangi xarid. Muzeý mablağiga olindi» deb yozilgan edi.

- Men bilishim kerak, - dedi Edvard, – yuring.

Ular muzeý saqlovchisi, kohna Nili xonimni oż kabinetidan topdilar: koksiga qadalgan ikki atirgul bilan qirqquloq novdasi unga vaziyat taqozo qilgan tantanali tus bergan edi.

- Ah, bumi! – deb xitob qildi u. – Xosh, qoyilmisiz? Bir omadimiz keldi-da, deb oylaymiz. Bilasizmi... – u kimgadir jilmayib bosh irğadi, - kechirasiz... Malerb uni yoq qildi deyishar edi, lekin unday emas. Buning tarixi uzun. Malerbga qoshni turgan bir amerikalik yosh rassom unikiga haligi... ertasiga kirib, – u «yoqilgan» degan sozni aytgisi kelmadi. – «Bosh chanoği va boyoğli»ni koradi. Shu zahoti sotib oladi. Malerb buni ham yoqmoqchi bołgan shekilli, lekin nimadir bołgan, yo fikridan qaytgan, bu ham baxtimizga. Biz ehtimol, nima bołganini hech qachon bilmasmiz. Lekin bu voqeaning hammasi emas. Boshqa payti, bunchalar band bołmaganimda...

- Osha amerikalik rassomning oti nima ekan? – deb soradi Odri.

- Oti, - dedi Nili xonim. – uni eshitmagan ham bołsangiz kerak. Qariyb nom qozonmagan. Ben Govard uning oti.

Edvard kochada aytdi:

- Yaxshi, endi biz nima qilamiz?

- Met¹ga boraylik, - dedi Odri. – Men san'at shaydosiman, rostdan ham qadimiy rassomlarning haqiqiy rangtasvirlarini korgim kelyapti.

¹ «Metropolitan Museum of Art», Nyu-Yorkdagi yirik san'at muzeyi
www.ahmad-azam.com

Kechqurun, taomdan song ikkalasi Odrining och-jigarrang divanida, issiqqina kamin qarshisida otirar edilar. qahva ichilgan, Edvard qolidagi arman yak tola qadahni jimgina aylantirar edi.

Nihoyat u:

- Hozirmi? – deb soradi.

Odri kiftini qisdi:

- Nimani ham kutamiz?

Edvard ornidan turib, kamin yoniga bordi. Kaminning ikki tomonida «Bosh chanoği va boyoğli»ning nusxalari devorga suyab qoyilgan edi.

- Aval menikini, - dedi Edvard va oz kartinasini olovga tashladi.

- Har qalay sigdi-ku, - dedi Odri.

Edvard Odrining kartinasini ham kaminga tashlab, divanga qaytdi. Ikkalasi ham olovning kartinalarni yamlashishiga jim qarab qoldilar.

- Shuncha mehnat-a, - dedi Odri, - shuncha niyatlar! Lekin, mayli. Hammasi yaxshilikka shekilli.

- Shunday, - dedi Edvard.

- Bitta narsa aniq. Ben Govard tamom. Agar u ekspertlar tekshiradigan, surishtiradigan muzeylarga sotish darajasida ahmoq bolgan bolsa, ishonavering, bir kun emas, bir kun...

- Qolga tushadi, - dedi Edvard divanga yaslanib. – Lekin boshqa gap... – Edvard oylanib qoldi. – Meni kartinaning ozi hayron qoldirdi. Ikkalamiznikidan juda otib tushadi. Ben Govardning qachon bolmasin yaratgan hamma narsasidan shunchalar ortiq. Xayolingizga kelmadimi, bu..

- Asl ozi emasmi? – Odrining ovozida ikkilanish bor edi.

– Siz uning qadriga etmaysiz deb oylayman. Lekin, deylik, shunday ham bolsin. Bari bir, bizga u xavfli emas, asl kartinalar bilan savdo qilsa ham.

Edvard kulib yubordi. Oz qadahini kotarib, Odriga qadah uzatdi.

- Keling, Ben Govard uchun kotaraylik, - dedi u.

- Boladi, - dedi Odri. – Ha, kop narsada qarzdormiz undan.

- Ben Govard bolmaganida, - dedi Edvard. – hozir oyoğimizni stolga qoyib, soğ-omon gunohga botib otirmagan bolar edik...

Odri jilmayib qadah kotardi.

- Kelajak haqida oylab...

A.A'zam tarjimasi

«Sovremennaya amerikanskaya novella».

Izd.-vo Inostrannaya literatura», M., 1963.